



Naalakkersuisup Knud Kristiansenip Reykjavíkimi, Islandimi Arctic Circlemi oqalugiaataa – Issittumi immakkut angallannermi isumannaallisaaneq aamma siuariartorneq qanoq annertusarneqarsinnaappat

Siullermik assut qujarusuppunga ataatsimiinnermut matumunnga oqalugiartussatut qaaqqusaasimagama. Ajoraluartumik, nunatsinni pissutsit patsisigalugit, nammineq najuussinnaanngilanga kisianni nuannaarutigaa taarsiullugu videokonferencekkut ingerlanneqarsinnaammat. Sammisassat pingaarutillit amerlasuut oqaluuserisassaniipput, nuannaarutigaa aralu sammisaq “Issittumi immakkut angallannermi isumannaallisaaneq aamma siuariartorneq” immikkut qitiutillugu sammineqarniarmat.

Date: 8 October 2016
File no. 2016 -10536

Qaammatip ataatsip matumap siorna Crystal Serenity – takornariartaassuaq akimarpaluttoq 1000-inik amerlanerusunik ilaasulik – Nuummuk tikippoq Sullualuk aqutigereerlugu. Ukiuni aggersuni umiarsuit Crystal Serenitytut ittut amerlanerusut Kalaallit Nunaata imartaani takusalernissai ilimagisnaavarput. Tamanna Kalaallit Nunaanni takornarialerisunut namminersortuaqqanullu ajunngeqaaq – ajutoortoqanngikkallartillugu...

P.O. Box 909
3900 Nuuk
Tel.: (+299) 34 50 00
Fax: (+299) 32 52 86
Email: isan@nanoq.gl
www.naalakkersuisut.gl

Takorluulaariarsuuk takornariartaassuaq 800-nik ilaasulik Kalaallit Nunaata imartaani ajutoorluni kivisoq. Nunap SAR-imik atortulersugaanera killeqaqimmat silallu pissusii unammillernarlutik ajunaarnersuarmik kinguneqarsinnaavoq – Ajunaarnersuaq Issittumi takornariaqarnermut tamarmiusumut sunniuteqarsinnaasoq.

Tamannaana pissutigalugu Issittumi immakkut isumannaallisaanikkut sillimanissaq pisariaqarsimasoq sulilu pisariaqarluni. Eqqaamassavarput isumannaallisaanikkut sillimanerit atulersinnissaat selskabillu taamaattunik eqqortitsisinaanerisa assigiinngissusaat annikitsuarsuummat. Malittarisassat silatuumik sularisariaqassapput selskabit Issittumi aningaasarsiornikkut annertuumik siuariartorfiulersinnaasoq iluaqutigisnaassappassuk, kisianni immakkut isumannaallisaanerup annikinnerulersinnera akigissanngilaat.

Polarkodep atortuutinneragut Issittumi immakkut angallannermi isumannaallisaaneq sakkortunerussaag. Kisianni ukioq manna Kalaallit Nunaanni malittarisassanik Polarkodemik sakkortunerusunik atulersitsererpugut. Malittarisassat Kalaallit Nunaanni atuuttut umiarsuarnut ilaasartaatinut 250-inik amerlanerusunik ilaasulinnut atuupput. Malittarisassat ilisimasortaqaqarnissamik, sikusiorsinnaassutsinut immikkoortiterinnermi inissisimanissamik, angallavissap pilersarusiornissaanik il.il. piumasqaateqarpoq.

Nunat issittumiittut inukipput, taamaattorli imartat isorartuupilussuullutik. Taamaammat suleqatigiinnissarput pingaarpoq Issittumi immakkut isumannaallisaaneq annertusarniarlugu.

Soorlu tamassi nalunngereerissi Kalaallit Nunaat nunaavog angisooq, isorartooruaq illoqarfillu akornanni aqqusineqanngitsoq. Taamaamat Kalaallit Nunaanni immakut aqqutit nunani allani aqqusinernut assersuunneqarsinnaapput. Biiliniq angalanani inuit umiatsiamik / umiarsuarmik sineriammi angallattarput. Piniarneq kalaallit kulturianni qitiulluinnarpoq, kalaallillu amerlasuut kinaassusaat sulii piniarnermik itisuumik sorlaqarpoq, piniarnermilu umiartorsinnaaneq ilaalluni.

Ajoraluartumik Kalaallit Nunaanni immakut ajutoortoqartarpoq, ingammik umiatsianik mikisunik. Ajutoornerit taamaattut amerlasuut pinngitsoorsimasinnaagaluarput angalaartut aallannginnerminni isumannaallisaanerup tungaatigut sillimasimagaluarpata. Taamaamat Kalaallit Nunaanni Naalakkersuisut immakut isumannaatsumik angalanissaq pillugu paasisitsiniaanernik suliaqartitsivoq isummertarnerup allanngortinneqarnissaanut sammivilinnik. Siunnerfigisat tassaapput Kalaallit Nunaanni kinguaariit inuusunnerusut – siunissami angalaartartussat. Ukioq manna paasisitsiniaaneq “AjunngiLars”-imik taaneqarpoq, taanna kalaallit oqartarnerannik “ajunngilaq”-mik aallaaveqarpoq isumaqarlunilu “Ajunngilaq”. Tassa isuma AjunngiLarsimiittoq. Asannilerpoq arnaannilu angalaaqatigalugu kisianni isumannaatsuunissaq sillimaffiginagu, isumaqarami “Ajunngilaq” – Kisianni ajoraluartumik ajortumik kinguneqartuaannarpoq.

Paasisitsiniaanerup videortai tamaasa Facebookimi quppernermi “AjunngiLars”-imi isiginnaarsinnaavasi. Maannakkulli videot ilaat ataaseq paasisitsiniaanermeersoq ilissinnut isiginnaartilaarusuppara.

Qujanaq!

Inussiarnersumik inuulluaqqusillunga,

Knud Kristiansen